

劉孟塗全集

埽葉山房
精印

孟塗前集五言今體律詩卷五

桐城劉開明東

寄懷張竹軒

客豈論詩地。吾猶舊日心。愁中聞汝去。病後覺秋深。事業宵燈在。年華鬢雪侵。離鄉同有恨。莫遣雁書沈。

大木

久不求人顧。風雷忽夜來。出雲天半黑。穿地石為開。積鐵千年幹。名山一代材。託根宜得所。慎莫傍高臺。

讀史雜咏

北嶽精靈護。中天積翠通。曾開宣室殿。不起玉華宮。紫氣臨城近。黃花作鎮雄。由來形勝地。終跨古雲中。同姓隆周室。多材用楚人。賜來龍節貴。剖去虎符新。謀國惟家法。當關仗重臣。不知圖畫外。地上幾麒麟。聞道黎陽決。張騫未泛槎。風聲驕白浪。人力困黃沙。三策今何用。千家慘不譁。桑田來往處。終古漾桃花。倉卒興輸役。艱難憶老成。已添都水監。更設大舟卿。白馬河邊吏。蒼龍掃上兵。但須紓國患。不用衆成城。三十鍾何惜。唯資轉運賢。汎舟仍碧海。引衆更青天。難避河陰險。徒傾外府錢。溯流望西北。多有未耕田。海國原千里。沙場變一朝。無風塵撲面。有雨地生潮。溝洫書徒在。司空令寂寥。可憐虞學士。辛苦奏中朝。

俠少三河客。城虛五步樓。難留鸚鵡粒。但典驕驍裘。未泰中原地。桑麻幾處秋。古來丞相重。只號富民侯。

使者出長安。傾城屬目看。力能作劉晏。豈必問桓寬。障水防場溢。煎沙懼海乾。

年年歌舞夜。落月萬家寒。

全盛談天寶。雲門奏夕曛。折衝羞講武。都護奉虛文。虎衛疎無

用。魚書廢忍聞。承平尚嚴備。獨憶杜將軍。

紅襖輕天網。黃巾逼漢營。中軍高樹纛。大將坐

論兵。衛霍新加秩。吳韓舊有名。不堪青海外。戰骨日縱橫。

記室青油幕。參軍白練裙。無端

同宴飲。邂逅得風雲。長劍趨龍闕。仙班絕鷺羣。入關回望月。新鬼哭邱墳。

詔恤淮陽國。春

慙婦子耕。至尊憂累日。流涕為蒼生。冤獄孤城起。忠靈九殿銘。漢家循吏傳。嘆息總悲情。

東越生妖鳥。南邊起戍臺。火風腥不散。海霧暗初來。戰士黃龍艦。元戎紫鳳杯。徒令無忌死。握

節語猶哀。

花月玻璃國。干戈柱石臣。可能比孫處。先說斬盧循。伏鼠何難信。飢鷹竟易馴。

五羊城畔客。且醉嶺南春。

閩闔開青瑣。蓬萊漾碧波。功臣麟閣少。內史鳳池多。門下羅金

戟。卽中佩玉珂。可知山石下。羞殺舊藤蘿。

舊禮存三百。新書試九千。如何麟趾格。張遍鳳

頭箋。東觀論經罷。西京用法先。平陽真相國。酣醉五雲邊。

白下車初散。蘭亭會已稀。過江

名士晚。絕調故人悲。水自含秋色。山猶怨落暉。風流舊張翰。游宦早思歸。

山峙雄風在。江

空霸氣消。無人懷北府。有客愛南朝。鐵板紅牙管。珠樓碧玉簫。桓伊聞不得。秋水思飄搖。

節鉞仍南國。笙歌擅上游。花迎新刺史。月認古揚州。壁樹春難曉。瓊花夜欲秋。只愁淮泗水。流

近海西頭。

舊恨吳宮草。零香茂苑塵。浣花球兒女。不解避行人。開府歌船返。良家法曲新。

倦游莫歸去。此地足陽春。列戟通侯第。高臺故相家。移來金谷樹。飛出玉樓花。游女三雲髻。公孫七寶車。尚嫌今夜月。天上開繁華。叢桂空山質。幽蘭處士芳。琴因中散斷。賦為左徒傷。雲水思何極。神仙夢渺茫。荒臺歌白雪。暮雨正悲涼。

寄石甫

苦恨青山路。偏從客裏過。異鄉惟爾我。遠夢有闕河。飛雁隔年到。秋聲雜雨多。離情言不盡。各自慎風波。

江樓有感

江水真無賴。滔滔竟向東。客愁何日盡。人世此樓空。遠樹飛雲外。孤帆落照中。無心看秋色。況乃聽征鴻。

龔冲泉贊府有雜咏詩六首。余做其意廣為十律。

斷碑

片石千何事。風霆怒有神。幾行留款識。半面卧沙塵。摧折因文字。模糊認漢秦。可憐苔蘚迹。埋沒舊時人。

破寺

不謂深林內。鐘聲去莫留。虛堂難掩月。曲徑不藏秋。龍象空山泣。神靈古殿愁。一燈青欲斷。猶自照危樓。

羸馬

更莫言追日。塵埋足不高。一鳴吾尚惜。千里爾空勞。病骨驚加策。雄心束正牢。死生猶可託。誰是九方皋。

病童

一卧還憐主。天涯覺獨親。那能負琴劍。強起共風塵。竟日無人事。中宵有鬼神。呻吟猶未敢。況復話艱辛。

老樹

本因開雷雨。剝落到而今。已失千尋勢。猶留半死心。婆婆無鶴宿。盤曲作龍吟。偃蹇人誰惜。雲橫洞口深。

古琴

痛惜鍾期死。千秋汝尚存。賞音何寂寞。此調在乾坤。鳳曲餘哀怨。龍門認舊根。莫將絃外意。輕與近時論。

野渡

四望無人至。蒼茫一釣舟。亂沙飛更落。淺水斷還流。平野連空暮。殘陽到岸秋。草深稀馬跡。時見立沙鷗。

秋燈

夜雨今何處。分明酒未闌。已看人影瘦。還照客心寒。信卜三秋遠。光分兩地難。何人歸最早。兒女話團圓。

困鶴

直上無千仞。孤鳴倦九皋。病身驚露早。素志共雲高。寥廓留音響。空山惜羽毛。松巢休久卧。燕雀已游敖。

飢鷹

生有凌霄翮。三秋豈易馴。飛來無過鳥。飢甚恥依人。欲下盤旋久。憑高顧盼真。請看風急處。厲吻動蒼旻。

懷鄭明府

同此空江影。朝來兩岸分。已知春近客。況復我憐君。山缺疑吞日。林深易宿雲。舊遊多勝迹。好與故人聞。

重咏大木

盡道參天好。扶持卻賴誰。古來重梁木。海內幾工師。邱壑身如故。風霜力獨支。能垂千畝蔭。不在最高枝。

夜過小孤山

天圍山四面。月到水中心。獨立遺人世。孤雲共古今。江流疑楚盡。蒼翠入波深。千載宮亭裏。蛟

龍不敢侵

題錢芷汀四大紐芷圖

沅渚夜潮起。空江秋水平。美人隔遙夕。香草露孤英。枝向雲中採。寒從衣下生。三閭不可見。懷古有餘情。君攜芳芷去。迴棹楚江濱。聊以媚幽獨。休勞贈遠人。香寒凝白露。日晚怨青春。豈不思公子。浮雲遮滿津。

懷陳大治

朝英寒不採。白露生空林。之子隔長道。涼天違素心。相思空復永。良會遠難尋。遺我一書札。但言秋氣深。

送雲朗

南樓沽美酒。西市買冰盤。一酌勸君醉。再來誰素歡。瓊枝生怨色。華月散清寒。親製伯牙操。臨行不復彈。

感逝

盛年難再得。容彩有銷沈。自恨春華暮。猶懷秋夜心。薄帷隱涼月。微響生瑤琴。聽我訴孤怨。階前雲正深。

懷舊

我昔游仙館。臨軒見羽裳。芬芳遺素手。婉孌結中腸。翠羽空江上。明璫隱漢旁。歡情徒夢想。繼

總未能忘

送師二歸滇

片月送歸舟。君行不可留。風吹雷岸笛。秋到楚江樓。聚散如飛鳥。浮沈羨野鷗。挂帆天萬里。雲水不勝愁。出郭氣蒼茫。天邊是故鄉。不愁江路遠。但恐夜風涼。努力愛光景。乘時挹衆芳。青雲終有路。孤雁且南翔。

秋柳

本不禁攀折。何堪更值秋。此時千里別。前度六朝愁。南國人停馬。西風客繫舟。寒蟬聽不得。煙雨暗高樓。送客今猶是。難爲舊日顏。萋迷灞陵岸。消瘦白門山。落日方憑弔。行人又往還。靈和風調好。憔悴半年間。

過某中丞居

居近碧雲鄉。人呼綠野堂。寒梅瘦春色。古渡浸斜陽。欲訪深山徑。重飛舊羽觴。煙霏淡將夕。霞氣入西廊。

寄友

浪迹三千里。胡爲復遠遊。昔傾燕市酒。今泛廣陵舟。久客身空健。傷春酒亦愁。拂衣須此日。莫更上江樓。

懷陳大治

蕭蕭木葉下。嫋嫋秋風多。芳草正懷遠。空江寒欲波。芙蓉望天末。蘿薜隱山阿。嗟爾寒修子。雲冠空自裁。

感興寄何四

漢南多蕙芷。江畔有蘭蓀。煙水寒如許。秋懷不敢言。雲深愁帝子。歲暮怨王孫。望遠傷搖落。孤芳誰為存。

古意懷魯南畹給諫

春晚蘭為佩。秋寒菊有芳。予愁日千里。彼美天一方。暮雨在何許。丹霞餐未忘。永懷生楚渚。終古此傍徨。

過屈原祠

白日莫余知。江頭從此辭。衆芳爭歲發。百鳥怨春遲。鸚鵡泣香草。鳳凰憐故枝。荒祠誰共語。澤畔獨愁思。

讀騷有咏

步彼蘭皋馬。憐茲蘅與蕪。紛吾懷寶璐。將子以瑤珠。言結青虬侶。往從文鳳趨。故都胡可戀。舉國正歡娛。

寄興

採芳過極浦。捐袂向中洲。神物終難見。靈修敢自尤。佳期愁渺渺。長夜去悠悠。網戶微生露。抽

思孰共秋

即事

登高空。騁望。臨水悵忘歸。吉日游椒館。回風生桂旗。榮華看落葉。年歲惜芳菲。容與江皋上。初心嗟已違。

垂釣

我釣將奚適。言觀彼一方。不知河水淺。只道竹竿長。巨鮪潛依藻。鳴鷺已在梁。絲繆本無用。永棄復何傷。

偶興

喬木依何處。朝陽又夕陽。中心悼烏鵲。左翼惜鴛鴦。人去經三歲。天高轉七襄。殷勤問雲漢。幾日始成章。

俟我

俟我北山下。偕行南澗邊。誰云流水曲。曾不為君旋。載簡人何往。縫裳女自憐。可知江漢月。今夕麗中天。

閒情

朱繡初從日。元黃未續時。木桃投去遠。芍藥贈來遲。君意猶難識。人言豈得辭。且看中沚誓。皎日以為期。

游女

游女佩瓊瑰。懷春獨上臺。已期通永好。未敢恃良媒。瓠葉思難濟。常華采未來。平林風夙報。母使雄鳴哀。

江上望遠

大江留客處。皖口泛舟時。煙水三千里。青山中間之。欲游不可得。思濟亦何為。且與故人約。龍眠採玉芝。

孟塗前集七言今體律詩卷六

桐城劉開明東

月夜

地聳城樓勢接天。江流吳楚遠橫煙。鯨吹海月知潮上。雁送秋心到客邊。霜露極空驚四望。星河入夜照孤眠。誰家砧杵寒生怨。并作風聲欲過船。

漫興

高高朗月照清河。河上佳人倚瑟歌。自惜紅芳秋正晚。寒生白露夜來多。西風吹動愁煙渚。南雁飛遲尚水波。且向芙蓉問消息。涼天幽怨近如何。

秣陵口號

建業雄風落日邊。秦淮久已靜戈船。一杯剩水興亡局。半壁南朝醉夢天。花月至今娛士女。樓臺自昔跨山川。胭脂狼籍傷春地。無復冬青叫杜鵑。

寄懷馬獻生

我寄迢迢尺素書。問君別思近何如。淮南花發春多少。江北風來雁有無。雲樹每宵勞遠夢。關城到處憶行車。歸來好結魚鱗屋。共上層臺望紫虛。

皖城即事

落木蕭蕭夕照收。皖公城勢遏江流。飛來海上三山月。盡是人間五夜秋。雲出楚吳迷遠樹。浪

翻星斗入孤舟。如何立馬橫橋北。不見青旗舊酒樓。

登大龍山

天風吹日洞門開。龍起高原走復回。山氣欲隨吳水去。江帆直破楚雲來。千家楊柳連城郭。九朵芙蓉入酒杯。回首鸞旗射蛟處。暮煙遙接漢皇臺。

客夜

銀漢無風火自流。黃昏人在月西頭。秋聲入枕難成夢。露氣橫江欲上樓。明日鄭元離北海。早年徐穉重南州。不圖馬上青袍敝。猶自天涯擁蕙幃。

舒六道中

古驛寒城隔水隈。征途日暮獨徘徊。文翁故宇成秋草。虞士荒祠冷石苔。一路雲山人北去。半天霜月雁南來。客中休憶銀絲贈。多少飢烏覓野菜。

感賦

絕嶺風寒下碧楸。霜花飛落木棉裘。白雲已變他鄉色。黃菊應留故國秋。赴洛陸機思作賦。出關王粲莫登樓。河干荒郭臨沙岸。簫管何人起桂舟。

潁州感賦

三十六峯秋到門。獨騎瘦馬走遙村。投林倦鳥驚風雨。出岫浮雲變曉昏。碧水東移非舊壑。黃塵北望是中原。壯游自古男兒事。況有文章謁謝琨。青霜碧草路茫茫。繞郭飛沙接大荒。

山過湖聲盤潁上。雲移秋色淡淮陽。鄉心不向闕城落。客舍偏知歲月長。恨殺座中年獨少。錯教人說杜黃裳。

天風吹夢墮梧桐。起見斜陽挂碧空。千里湖山鴻爪下。一秋心事馬蹄中。

石葉香浮瑪瑙

平沙潮落痕猶白。高館燈寒影不紅。更捲珠簾開錦席。洞簫聽罷月如弓。

石葉香浮瑪瑙

盤畫屏斜映曲闌干。牕經暖日通花氣。月為離人增夜寒。夾道秋深紅樹老。四山雲散碧天寬。

此身悔到綺羅叢。馬首何時更向東。山氣入樓疑有

板橋多少如珠露。不待成霜各自圓。

此身悔到綺羅叢。馬首何時更向東。山氣入樓疑有

雨。曉寒歸樹欲生風。芙蓉故院笙歌息。未泰平原野望通。寂寞荒郊煙水外。不堪重問漢安豐。

此身悔到綺羅叢。馬首何時更向東。山氣入樓疑有

登高目送飛雲出。弔古心同片月孤。決水幾時穿繡壤。陽泉有迹沒平蕪。城南曉色空池館。天末涼風自竹梧。千載潁川雄傑地。奇才誰繼管夷吾。

北過長淮即豫州汝南煙景望

中收。風盤高嶺聲難落。天入澄潭影不流。去國詞人悲落日。感時循吏倚孤樓。請看芳草隄邊

北過長淮即豫州汝南煙景望

柳猶送如溪水上舟。

棄擲張華麟角筆。蕭條羅隱雁頭箋。幾家鐵笛來秋怨。半夜銀河近

客筵。灑酒月從杯下落。望鄉心在斗邊懸。歸期莫待梅花發。風雨高堂淚眼穿。

自霍邱抵壽春界有懷

大別山前水又分。天寒征雁尚成羣。白蘋秋遠連淮渡。黃葉聲高入暮雲。夢國遺民徒好武。壽

大別山前水又分。天寒征雁尚成羣。白蘋秋遠連淮渡。黃葉聲高入暮雲。夢國遺民徒好武。壽

春飛閣又斜曛。登臨莫笑南朝弱。曾破秦人百萬軍。

尺素江南去未還。天涯孤棹且雲灣。

如何楚客芙蓉水。不到淮王桂樹山。千載風流搖落後。一時仙迹有無間。暮天懷古多蕭瑟。况

尺素江南去未還。天涯孤棹且雲灣。

對寒城憶故關。

感秋

浪迹江城已七年。秦淮油壁汝南船。自知谷口風難靜。無那天邊月又圓。撫劍歌殘人去遠。思家心共火爭然。寒煙衰草王孫路。白髮門前望倚鞭。沙隄中斷阻荒城。深夜風低月正橫。白雁飛來秋有色。蒼龍吟罷水無聲。高樓牕敞迎霜氣。異國天寒見客情。便欲海西尋舊識。即從淮上認歸程。故鄉迢遞隔關河。中散山庭有翠蘿。別去花開三徑少。悲來秋為一人多。天邊曉色猶黃葉。江上寒煙自碧波。捲起疎簾望高閣。夜深恐有雁羣過。

金陵懷古

建康東望莽蕭蕭。紫氣黃旗舊迹遙。地轉樓臺成北闕。天教花鳥媚南朝。火龍運已傾三國。銅雀人空憶二喬。欲起周郎重顧曲。涼風吹斷碧筠簫。總戎官已列通侯。開府軍皆據上游。

南渡幾人思舊業。東流一水隔神州。秋風戰馬嘶吳會。落日新亭泣楚囚。可惜白頭劉太尉。感時獨坐朔方樓。勸進文書達上方。君臣端坐繫苞桑。徒令鐵騎橫河北。不記銅駝卧洛陽。

王謝勲勞有綠竹。東南城郭本金湯。君看百萬投鞭日。奇算何須出廟廊。寄奴威望冠羣

英。再世龍墀又喜兵。閩外未曾殲大敵。國中先自壞長城。雷公學舍空鐘鼓。楊子樓船盡旆旌。獨使書生籌武畧。老臣終夕恨吞聲。元武湖高落日懸。金根玉柱總浮煙。千秋風雨悲哀

絮。一夕江山變緒淵。碧血可能成杜宇。白雲空自傍寒蟬。竟陵八友今何在。寂寞高樓舊管絃。

蕭公提劍決飛虹。華蓋高懸建業宮。已設重雲開月藻。更有花雨散春風。青袍軍起文絃

寂白馬人來武帳空。太息咸陽舊詞客。暮年作賦憶江東。

結綺臨春近紫軒。龍涎畫散九

華門。上流形勝歸鄰主。南國煙花奉至尊。夜火游歸星錯落。後庭歌罷月黃昏。麗華不死高公

劍。香草誰埋萬古魂。

陵谷升沈歲月更。六朝王氣有叢荆。寒煙碧瓦尋荒殿。落日青山望

故城。龍虎不須矜地險。鳳凰未必向臺鳴。蒼茫一片興亡恨。散作空江暮雨聲。

擬古

妾家深院接高梁。門對城南水一方。幾曲珠簾初見月。三春蘭蕙正餘芳。曉烏啼罷風生樹。秋燕歸時夜欲霜。侍女添香又吹笛。不知更漏為誰長。

偶興

浩蕩南天一酒星。題詩更望古滄溟。沙頭風急霞光斷。夜半潮來水氣腥。獨惜金龍投宋嶺。終教玉馬出吳舲。城西一片荒山石。閱盡興亡不改青。吹笛投金事渺茫。青溪花發舊祠荒。小姑心可如寒月。大令歌終付夕陽。山色千年迷故國。秋聲一夜渡橫塘。江東詞賦無今古。獨步何人識謝莊。

歸至途中有感

寒雨迷空草不春。歲華搖落尚風塵。才高真悔逢知己。客久翻多累故人。建業青山留別恨。池陽碧水問前津。生平負有王通策。獨向江天看白蘋。長劍何勞倚太清。高樓日夕望歸程。異鄉花柳都無色。故國蘼蕪亦有情。落木天空鴉背冷。悲秋人瘦馬蹄輕。征途十月多霜雪。江

上寒梅笑此行

左徒曾戴切雲冠。供奉空持釣月竿。國士名高輸馬骨。故人情重有豬肝。

臨風蒲柳秋先落。出水芙蓉露不乾。終是江南行樂地。幾回搔首碧雲端。

閱盡潯陽九派

流人間起伏總浮漚。阮公痛哭非關路。宋玉多愁豈為秋。鸚鵡籠中言已拙。麒麟地上跡空留。青山不用遮行客。夜夜鄉心繞畫樓。

皖城口號

烏兔山前柳色新。青袍人過楚江濱。孤城夜雨千家夢。百里煙花兩地春。新燕他時應識主。歸鴻前歲尚為賓。天涯舊雨無消息。落日浮雲伴此身。

客館咏懷

春色何能到客心。淮南江北獨沈吟。孤雲變滅隨今古。眾水分流各淺深。金谷杯寒前夜酒。銀笳絃動故園音。關河四望皆青草。飛鳥朝朝繞舊林。

浩蕩滄波酒一杯。茫茫身世此登臺。

青霄風急雲無恙。白晝寒消霧不開。江遠帆從天外落。雁高書自日邊來。馬卿游倦車輪折。憔悴人間作賦才。

夾江花柳連都邑。三楚煙塵隔故關。月色未殊滄海上。春風又到碧雲間。

崎嶇陌路天昏曉。縹渺城樓日往還。倚劍休窮千里目。長淮波浪已成山。

絡繹輕車走路

周玲瓏。飛閣起神州。深山不雨龍蛇出。大野無風燕雀遊。洪水東南皆巨壑。浮雲西北即高樓。

故鄉亦近淮陽地。矯首天邊落日愁。西窺彭蠡三江月。南望金陵六代山。天外雨聲催過

客馬前。春色近鄉關。名花開落園如故。急水奔流岸自閒。官閣且休澆濁酒。春風從不上愁顏。